
"Турон" футбол клубининг мавсум якунларига бағишиланган тақдирлаш маросими бўлиб ўтди

Хабарингиз бор, Ўзбекистон туманининг "Турон" жамоаси 2020-йилги ПРО-Лига мусобақаларида ғолибликка Суперлига йўлланмасини қўлга киритди. Шу муносабат билан бугун тумандаги "Ўзбекистон" ўйингоҳида клуб вакилларини тақдирлаш маросими ташкил этилди.

Унда Ўзбекистон тумани ҳокими Қаҳрамонжон Джўраев, сектор раҳбарлари, бир қатор ташкилотлар вакиллари ва жамоа мухлислари иштирок этдилар.





Тадбирда сўзга чиққанлар жамоа муваффақияти билан барча ўйинчиларни, клуб ходимлари ва албаттa мухлисларни самимий қутлашди.

Клубнинг ўз олдига қўйган режаларининг ушалишини, навбатдаги баҳсларда ҳам жамоага улкан омадлар тиланди.

Тадбир якунида жамоанинг барча аъзолари ва ходимларига туман ҳокимлигининг ташаккурномалари ва эсдалик совғалари тортиқ этилди.

Ўзбекистон тумани ҳокимлиги Ахборот хизмати







2020-12-13 16:34:06